



**PARTNERSHIP
FUND**

სს „საპარტნიორო ფონდის“ მიერ
ტონერიანი კარტრიჯების შესყიდვის
გამარტივებული ელექტრონული ტენდერის

ს ა ტ ე ნ დ ე რ ო დ ო კ უ მ ე ნ ტ ა ც ი ა

ტონერიანი კარტრიჯები - CPV – 30125100

ქ. თბილისი, 2016 წელი

ს ა რ ჩ ე ვ ი

1. ინსტრუქცია ტენდერში მონაწილეობის მისაღებად ----- 3 გვ.
2. ტექნიკური დავალება ----- 5 გვ.
3. პრეტენდენტის მიერ წარმოსადგენი დოკუმენტები ----- 6 გვ.
4. დანართი 1 - რეკვიზიტების საილუსტრაციო ფორმა ----- 8 გვ.
5. დანართი 2 - ფასების ცხრილი ----- 9 გვ.
6. შესყიდვის შესახებ ხელშეკრულების პროექტი ----- 10 გვ.

ინსტრუქცია ტენდერში მონაწილეობისათვის

1. ელექტრონული სახელმწიფო შესყიდვა ტარდება სახელმწიფო შესყიდვების ერთიან ელექტრონულ სისტემაში (შემდგომში - სისტემა);
2. სისტემაში შესყიდვის პროცედურები ხორციელდება „სახელმწიფო შესყიდვების შესახებ“ საქართველოს კანონისა და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების შესაბამისად.
3. სატენდერო წინადადება შედგება სატენდერო წინადადების ფასისგან და ტექნიკური დოკუმენტაციისგან.
4. ტექნიკური დოკუმენტაცია არის პრეტენდენტის მიერ სისტემაში ატვირთული შესყიდვის ობიექტისა და პრეტენდენტის შესახებ ნებისმიერი სახის ინფორმაცია, რომელიც მოთხოვნილია სატენდერო განცხადებითა და სატენდერო დოკუმენტაციით, გარდა საკვალიფიკაციო მონაცემების დამადასტურებელი დოკუმენტებისა.
5. პრეტენდენტის მიერ ერთიან ელექტრონულ სისტემაში ატვირთული ყველა დოკუმენტი უნდა იყოს ხელმოწერილი უფლებამოსილი პირის მიერ და დამოწმებული ბეჭდით.
6. სატენდერო წინადადების საერთო და ერთეულის ფასის წარმოდგენა დასაშვებია მხოლოდ ეროვნულ ვალუტაში.
7. სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.
8. სატენდერო წინადადება, ასევე ამ წინადადებასთან დაკავშირებული შემსყიდველსა და პრეტენდენტს შორის გაცვლილი მთელი კორესპონდენცია და დოკუმენტაცია წარმოდგენილი უნდა იქნეს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის პრიორიტეტის მინიჭების საკითხს წყვეტს სატენდერო კომისია.
9. ალტერნატიული სატენდერო წინადადების წარმოდგენა არ არის დაშვებული.
10. ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

11. სატენდერო დოკუმენტაციის შესახებ დამატებითი ინფორმაცია და განმარტებები შეგიძლიათ მიიღოთ შემდეგი საკონტაქტო პირისაგან:

სატენდერო კომისიის აპარატის წევრი:

ნათია ოდიშარია

ტელ: 577 42 99 55

ელ. ფოსტა: nodisharia@fund.ge

ტექნიკური დოკუმენტაცია

N	პრინტერის დასახელება	შესყიდვის ობიექტის აღწერილობა	რაოდენობა
1	Canon Multifunctional i-sensys mf 216n	არანაკლებ 2400 გვ. 5% შევსებით	12 ცალი
2	Hp laserjet 1536dnf MFP	არანაკლებ 2100 გვ. 5% შევსებით	80 ცალი
3	HP LaserJet Pro MFP M225dn	არანაკლებ 1500 გვ. 5% შევსებით	10 ცალი
4	Hp laserjet p1102	არანაკლებ 1500 გვ. 5% შევსებით	15 ცალი

შემოთავაზებული საქონელი დამზადებული უნდა იყოს ქარხნული წესით, ორიგინალი, იყოს ახალი და შეესაბამებოდეს საქონლის მწარმოებლის მიერ მოცემულ პარამეტრებს (სიგანე, სიღრმე, სიმაღლე, ბეჭდვის ფერი, ბეჭდვის რესურსი და ა.შ.).

კარტრიჯები უნდა იყოს შეფუთული ბრენდირებულ კოლოფში, კოლოფზე დატანილი გაყალბებისაგან დამცავი ჰოლოგრამით და მასზე გამოსახული მწარმოებლის ლოგოტიპით. ასევე კარტრიჯი მოთავსებული უნდა იყოს ე.წ აირბაგში და გაუმჭვირვალე პოლიეთილენის პარკში.

უშუალოდ კარტრიჯებზე დატანილი უნდა იყოს უნივერსალური შტრიხ კოდი, რაც განასხვავებს კარტრიჯებს ერთმანეთისაგან და შესაძლებელი იქნება შესყიდული ნებისმიერი კარტრიჯის გადამოწმება მწარმოებლის ვებ-გვერდზე ან ელ.ფოსტით.

კარტრიჯებმა უნდა უზრუნველყოს ბეჭდვა მაღალი ხარისხით (ლაქების, ხაზების გარეშე). წინააღმდეგ შემთხვევაში, მიმწოდებელი საკუთარი ხარჯებით უზრუნველყოფს ახლით შეცვლას.

ყველა კარტრიჯზე უნდა ვრცელდებოდეს გარანტია მის სრულ დაცლამდე, ხოლო გამოუყენებელ კარტრიჯებზე - მხარეთა შორის მიღება-ჩაბარების აქტის შედგენიდან არანაკლებ - 1 - (ერთი) წელი.

მწარმოებელი საერთაშორისო ბაზარზე ანალოგიური პროდუქციით წარმოდგენილი უნდა იყოს ბოლო 10 წლის მანძილზე.

მწარმოებელს ქ. თბილისში უნდა ქონდეს მინიმუმ ერთი ავტორიზებული სერვის-ცენტრი, რათა მოწოდებული საქონლის დეფექტის აღმოჩენის შემთხვევაში დასკვნა შესაცვლელია თუ არა სახარჯი მასალა ან/და სათადარიგო დეტალი მივიღოთ კვალიფიციური ინჟინრისაგან და შესაბამისად ავტორიზებული სერვის ცენტრისგან.

მიმწოდებელმა შემსყიდველის მოთხოვნიდან 3 (სამი) სამუშაო დღეში უნდა წარმოადგინოს შემოთავაზებული საქონლის ნიმუშები.

შესყიდვის ობიექტის მიწოდების ვადა - ხელშეკრულების გაფორმებიდან არაუგვიანეს 30 (ოცდაათი) კალენდარულ დღეში.

მისამართი - ქ. თბილისი, ვუკოლ ბერიძის ქ. N6;

დაფინანსების წყარო – სს „საპარტნიორო ფონდის“ საკუთარი შემოსავლები.

შესყიდვის სავარაუდო ღირებულება - 4 964 (ოთხი ათას ცხრაასსამოცდაოთხი) ლარი.

პრეტენდენტის მიერ სისტემაში ასატვირთი მონაცემები:

1. პრეტენდენტის რეკვიზიტები (დანართი N1-ს მიხედვით);
2. მისაწოდებელი საქონლის ფასების ცხრილი საქონლის სრული აღწერილობის (დასახელება, მოდელი, მწარმოებელი ფირმა, ძირითადი მახასიათებლები) მითითებით (დანართი N2-ს მიხედვით);
3. ინფორმაცია ანალოგიური საქონლის მიწოდების სფეროში გამოცდილების შესახებ (პრეტენდენტს უნდა გააჩნდეს ანალოგიური საქონლის მიწოდების არანაკლებ სამწლიანი გამოცდილება);
4. ინფორმაცია მწარმოებლის მინიმუმ ერთი ავტორიზებული სერვის-ცენტრის არსებობის შესახებ ქ. თბილისში;
5. პრეტენდენტს უნდა გააჩნდეს ანალოგიური საქონლის მიწოდების არანაკლებ 3 წლიანი გამოცდილება, რის დასადასტურებლადაც, უნდა წარმოადგინოს ხელშეკრულებები და ამავე ხელშეკრულებების შესრულების დამადასტურებელი მიღება-ჩაბარების აქტები, თითოეული წლისთვის.
6. ინფორმაცია იმის შესახებ, რომ შემოთავაზებული საქონლის მწარმოებელი, აღნიშნულ სფეროში, მსოფლიო ბაზარზე წარმოდგენილია არანაკლებ 10 (ათი) წელი.

ანგარიშსწორების პირობები:

ანგარიშსწორება მოხდება უნაღდო ანგარიშსწორებით ლარში.

ანგარიშსწორება განხორციელდება საქონლის მიწოდების შემდეგ.

საავანსო ანგარიშსწორება არ გამოიყენება.

შენიშვნა

- გამარჯვებულმა პრეტენდენტმა ხელშეკრულების გაფორმებამდე უნდა წარმოადგინოს ფასების გაანგარიშება ვაჭრობის შედეგად დაფიქსირებულ საბოლოო ფასზე, რომელიც წარმოადგენს ხელშეკრულების განუყოფელ ნაწილს.

- იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, პრეტენდენტს მოეთხოვება ფასწარმოქმნის ადეკვატურობის დასაბუთება შესყიდვის ობიექტის მიწოდებასთან დაკავშირებით პრეტენდენტის მიერ გაფორმებული ხელშეკრულებით ან/და ანგარიშ-ფაქტურით (ინვოისით), რომელიც ადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას. აღნიშნული დოკუმენტების წარმოსადგენად პრეტენდენტს განესაზღვრება გონივრული ვადა, არაუმეტეს 3 (სამი) სამუშაო დღისა.

1. რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

მომსახურე ბანკის დასახელება:

ბანკის კოდი:

ანგარიშის ნომერი:

ხელის ხელმოწერა, ბეჭედი _____

დანართი 2.

N	მოთხოვნილი საქონელი	შემოთავაზებული საქონლის აღწერილობა/ბეჭდვის რესურსი	რაოდენ ობა	წარმოშობის ქვეყანა	ფირმა	მოდელი	ერთეულის ფასი	საერთო ფასი	მიწოდებ ის ვადა
1	Canon Multifunctional i-sensys mf 216n		12 ცალი						
2	Hp laserjet 1536dnf MFP		80 ცალი						
3	HP LaserJet Pro MFP M225dn		10 ცალი						
4	Hp laserjet p1102		15 ცალი						
სულ ჯამი									

შენიშვნა:

- სატენდერო წინადადების ფასი უნდა შეიცავდეს შესყიდვის ობიექტის მოწოდებასთან და მონტაჟთან დაკავშირებულ, საქართველოს კანონმდებლობით გათვალისწინებულ ყველა სახის გადასახადს.
- თუ პრეტენდენტი არ არის დღგ-ს გადამხდელი, საქართველოს კანონმდებლობის შესაბამისად, მისი სატენდერო წინადადება წარმოადგენილი უნდა იყოს დღგ-ს გარეშე (პრეტენდენტმა შენიშვნის სახით უნდა მიუთითოს რის საფუძველზე არ ითვლება დღგ-ს გადამხდელად).
- პროდუქციის ერთეულის ფასსა და საერთო ფასს შორის სხვაობის შემთხვევაში უპირატესობა ენიჭება პროდუქციის ერთეულის ფასს.

პრეტენდენტის ხელმოწერა და ბეჭედი _____

ხელშეკრულება საქონლის შესყიდვის შესახებ

___ მარტი 2016 წელი

ქ.თბილისი

ერთის მხრივ სს „საპარტნიორო ფონდი“ (შემდგომში „შემსყიდველი“) წარმოდგენილი მისი აღმასრულებელი დირექტორის მოადგილის ნათელა თურნავას სახით და მეორეს მხრივ _____ (შემდგომში „მიმწოდებელი“) წარმოდგენილი მისი _____ სახით, „სახელმწიფო შესყიდვების შესახებ“ საქართველოს კანონისა და და გამარტივებულ ელექტრონულ ტენდერში (SPA _____) გამარჯვებული პრეტენდენტის სატენდერო წინადადების საფუძველზე, დებენ წინამდებარე ხელშეკრულებას შემდეგზე:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. „ხელშეკრულება სახელმწიფო შესყიდვის შესახებ“ (შემდგომ – „ხელშეკრულება“) – შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2. „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.3. „შემსყიდველი“ - ორგანიზაცია, რომელიც ახორციელებს შესყიდვას;
- 1.4. „მიმწოდებელი“ – პირი, რომელიც ახორციელებს საქონლის მიწოდებას ამ ხელშეკრულების ფარგლებში;
- 1.5. „დღე“, „კვირა“, „თვე“ - კალენდარული დღე, კვირა, თვე;
- 1.6. „საქონელი“ - წინამდებარე ხელშეკრულების მე-2 მუხლით გათვალისწინებული ხელშეკრულების საგანი;
- 1.7. „ინსპექტირება“ - ხელშეკრულების პირობების შესრულების კონტროლი და ზედამხედველობა.

2. ხელშეკრულების საგანი

- 2.1. ხელშეკრულების საგანს წარმოადგენს ტონერიანი კარტრიჯების შესყიდვა (CPV 30125100).

3. საქონლის მიწოდების პირობები

- 3.1. შესასყიდი საქონლის მახასიათებლები, რაოდენობა, ერთეულის და საერთო ფასები მითითებულია ფასების ცხრილში (დანართი N___), რომელიც წარმოადგენს ხელშეკრულების განუყოფელ ნაწილს;
- 3.2. საქონლის მოწოდების ვადა: _____

3.3. საქონლის მიწოდების ადგილი: სს „საპარტნიორო ფონდის“ ფაქტიური მისამართი: ქ. თბილისი, ვუკოლ ბერიძის ქ. N6.

4. სახელშეკრულებო ღირებულება

4.1. საერთო სახელშეკრულებო ღირებულება შეადგენს _____ ლარს;

4.2. ხელშეკრულების ღირებულება მოიცავს როგორც საქონლის ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ ყველა გადასახადს.

5. ანგარიშსწორების პირობები

5.1. საქონლის მიწოდების შემდეგ „შემსყიდველსა“ და „მიმწოდებელს“ შორის გაფორმდება მიღება-ჩაბარების აქტი;

5.2. ანგარიშსწორება მიმწოდებელთან ხორციელდება უნაღდო ანგარიშსწორების წესით, „მიმწოდებლის“ მიერ მითითებულ საბანკო ანგარიშზე;

5.3. ანგარიშსწორების საფუძველია მხარეების უფლებამოსილი პირების მიერ გაფორმებული მიღება-ჩაბარების აქტი, სასაქონლო ზედნადები და საგადასახადო ანგარიშ-ფაქტურა;

5.4. ანგარიშსწორება განხორციელდება ერთ ეტაპად, საქონლის მიწოდების შემდეგ, 5.3. პუნქტით გათვალისწინებული დოკუმენტების წარმოდგენიდან 20 (ოცი) კალენდარული დღის განმავლობაში.

6. გარანტია

6.1. მიმწოდებელი იძლევა გარანტიას, რომ მიწოდებული საქონელი მისი ექსპლუატაციის ნორმების დაცვის შემთხვევაში, არ გამოავლენს დეფექტებს.

6.2. შესყიდვის ობიექტის მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

6.3. მიმწოდებელი ვალდებულია შეტყობინების მიღებიდან _____ დღეში განახორციელოს წუნდებული საქონლის ან მისი ნაწილის შეკეთება ან შეცვლა შემსყიდველის მხრიდან რაიმე დამატებითი დანახარჯის გაწევის გარეშე.

6.4. გარანტიის მოქმედების პერიოდში მიმწოდებლის მიერ ამ ვალდებულების შეუსრულებლობის შემთხვევაში შემსყიდველს უფლება აქვს თვითონ მიიღოს ზომები საქონლის ექსპლუატაციის პროცესში წარმოშობილი ხარვეზების გამოსწორებისათვის და მოსთხოვოს მიმწოდებელს შესაბამისი ხარჯების ანაზღაურება.

7. ხარისხი

7.1. საქონლის ხარისხი უნდა შეესაბამებოდეს დადგენილ სტანდარტებს და აკმაყოფილებდეს ხელშეკრულების პირობებს.

8. მხარეთა უფლება-მოვალეობები

8.1. შემსყიდველი უფლებამოსილია:

8.1.1. აწარმოოს მიმწოდებლის მიერ ნაკისრი ვალდებულებების შესრულებისა და

- მიწოდებული საქონლის ხარისხის კონტროლი;
- 8.1.2. განაცხადოს უარი დაგვიანებით მიწოდებული, უხარისხო (წუნდებული) ან არასრული მოცულობით წარმოდგენილი საქონლის მიღებაზე;
- 8.1.3. ჩაატაროს ინსპექტირება, რისთვისაც გამოყოფს უფლებამოსილ პირს, საჭიროების შემთხვევაში ჩაატაროს ხარისხის კონტროლი, რისთვისაც შესაძლებელია მოწვეულ იქნეს ექსპერტი.
- 8.2. შემსყიდველი ვალდებულია:
- 8.2.1. მოახდინოს ანგარიშსწორება მიმწოდებელთან წინამდებარე ხელშეკრულების მე-5 მუხლით გათვალისწინებული პირობებით;
- 8.3. მიმწოდებელი უფლებამოსილია:
- 8.3.1. მიიღოს მიწოდებული საქონლისათვის ხელშეკრულებით გათვალისწინებული ანაზღაურება;
- 8.4. მიმწოდებელი ვალდებულია:
- 8.4.1. მიაწოდოს შემსყიდველს ნივთობრივად და უფლებრივად უნაკლო საქონელი;
- 8.4.2. განუხრელად და ჯეროვნად შეასრულოს ხელშეკრულების პირობები იმ ვადაში, რომელიც მითითებულია წინამდებარე ხელშეკრულებაში;
- 8.4.3. ხელი შეუწყოს შემსყიდველს ინსპექტირების ჩატარების დროს.

9. ინსპექტირება

- 9.1. შემსყიდველის მიერ ხელშეკრულების ინსპექტირება განხორციელდება ხელშეკრულების მოქმედების პერიოდში, შემსყიდველის მოთხოვნების შესაბამისად;
- 9.2. ინსპექტირებას და მიღება-ჩაბარების აქტზე ხელმოწერას განახორციელებს ადმინისტრაციული დეპარტამენტის უფროსი სამეურნეო ოფიცერი გიორგი შუბლამე;
- 9.3. შემსყიდველის შესაბამისი წარმომადგენლის (წარმომადგენლები, მოწვეული ექსპერტი) მიერ ხარისხის კონტროლის ჩატარების შემთხვევაში თუ აღმოჩნდება წუნდებული საქონელი, შემსყიდველი აცნობებს მიმწოდებელს წერილობით ამის შესახებ, ხოლო მიმწოდებელი ვალდებულია წერილობითი შეტყობინებიდან _____ სამუშაო დღეში გამოასწოროს წუნი.

10. ხელშეკრულებაში ცვლილებების შეტანა და ხელშეკრულების შეწყვეტა

- 10.1. არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შესწორებების გარდა;
- 10.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია;
- 10.3. ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით დადგენილი შემთხვევებისა;
- 10.4. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, შესაძლებელია გაიზარდოს სახელშეკრულებო ღირებულება არაუმეტეს სახელმწიფო შესყიდვის შესახებ ხელშეკრულების ჯამური

ღირებულების 10 (ათი) პროცენტისა;

10.5. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის (შეთანხმება) სახით, რომელიც ჩაითვლება ხელშეკრულების განუყოფელ ნაწილად.

10.6. ხელშეკრულება ან მისი რომელიმე დებულება შესაძლებელია შეწყდეს მხარეთა ინიციატივით, წერილობითი შეთანხმების საფუძველზე.

11. ხელშეკრულების პირობების შეუსრულებლობა

11.1. ხელშეკრულების პირობების არაჯეროვანი შესრულების ან/და დაგვიანებით შესრულების შემთხვევაში, მიმწოდებელს ეკისრება პირგასამტეხლო ყოველ ვადაგადაცილებულ დღეზე ხელშეკრულების ღირებულების 0,1%-ს ოდენობით;

11.2. საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან;

11.3. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 1%-ს, მხარეებს უფლება აქვთ შეწყვიტონ ხელშეკრულება.

12. დაუძლეველი ძალა (ფორს – მაჟორი)

12.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის (ფორს–მაჟორი) ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ;

12.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ; წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან;

12.3. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

13. სადაო საკითხების გადაწყვეტა

13.1. შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ;

13.2. თუ შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხრეს დავის გადაწყვეტის მიზნით შეუძლია დადგენილი წესის და მიხედვით მიმართოს საქართველოს სასამართლოს.

14. ხელშეკრულების ვადა

14.1. წინამდებარე ხელშეკრულება ძალაში შედის მხარეთა ხელმოწერის დღიდან და მოქმედებს 2016 წლის _____ -მდე.

15. განსაკუთრებული პირობები

15.1. მხარეები თანხმდებიან, რომ ის ურთიერთობანი, რომელიც არ იქნა მოწესრიგებული წინამდებარე ხელშეკრულებით, რეგულირდება საქართველოს მოქმედი კანონმდებლობით;

15.2. ხელშეკრულება შედგენილია ქართულ ენაზე, 3 (სამი) ეგზემპლარად და თითოეულ მათგანს იურიდიული ძალა აქვს;

15.3. ხელშეკრულების ერთი ეგზემპლარი ეგზავნება „მიმწოდებელს“, ხოლო ორი ინახება შემსყიდველ ორგანიზაციაში.

16. მხარეთა ხელმოწერები და რეკვიზიტები

შემსყიდველი

მიმწოდებელი

სს „საპარტნიორო ფონდი“

ი/მ ქ. თბილისი, თამარ მეფის გამზ. N15

ფ/მ ქ. თბილისი, ვუკოლ ბერიძის ქ. N6

ს/კ 404 404 550

აღმასრულებელი დირექტორის მოადგილე

ნათელა თურნავა